



# QVÆSTIO MEDICA

QVODLIBETARIIS DISPVATIONIBVS

MANE DISCVTIENDA

IN SCHOLIS MEDICORVM

DIE IOVIS XIII. FEBRVARII

M. GABRIELE DACQVET

Doctore Medico Præside.

*Nocetne Fœcunditati Aquarum Metallicarum Potus ?*



QVOD sint durentque mixta ; vivant , alantur , augeſcant , generentque plantæ ; ampliorem quinetiam ac meliorem vitæ ſortem moveantur ac ſentiant animalia , id certè multò maximum inſito , naturali , proprioque humido debent , cuius arctiore nexu ſtant modò tenenturque caduca cuncta. Hinc quippe de rudi & indigeſta mole formam cepit mirâ rerum varietate exornatum corpus Vniuerſitatis , ejuſque gratiâ hœce velut adhibiti Fœciali amicius convenere , odijs cæteroquin exercita immortalibus Elementa : ſic ad cuiuſque mixti modum commenſumque comparata atque invicem commiſſa ſingularem humore vel abundant , vel nequeunt carere. Igni ſiquidem reliquorum Domino pabulum iſ ſimul & frænum ; almæ Telluri vinculum & penum : illius glutinò cohæret & corporata ſolidatur , huius fertilis vberem impatiens novalium indefeſſa ſemper & ubi-

A

que parturit : nihil proinde igne terræve genitum primigenio humore vacat , eodem defectum destitutumque protinus laborat naturamque exuit. Fossilibus quidem & metallis immitis ille, peregrino vapore halituque noxio inquinatus ; viuentibus castigatior , laboratior maximè animantium genti præ stirpibus ; vni homini dote summâ præcipuus , vberimus ; singulis ad vitæ sustinendæ demensum viresque focillandas , communi mortalis naturæ excidiò & lege dictâ , in dies consumendus , augendus nemini , aut reparandus ; non optimò alimentò , nedum impostoris Paracelsi quintâ essentiâ foliorum Dauræ ; vel Cedrinò oleò cerebrosi Vanhelmontij ; æruscatorumue Chemicorum mendacijs impudentibus nobilitatò autò potabili : Ecquid enim solidò disparata Naturæ divortiò fossilia & metalla habitura tandem cum vita commercij ? vt huius bonis , illius ingratijs , arcanâ & magistrâ arte per ignem industriè translatâ , novò more sese adoptent : in vna gratiosi illius humidi solidis primum divisa partibus mensura , vnus, par nemini , vitæ modus, sobolis census.

**V**I V E N T I S spes forsque prima & vltima fecunditas, plantis præsertim, ordinique animantium aquatiliū univervo præcoci frugique lasciviâ , homini serâ & parcâ , ejusdem cum vita fundi & glebæ vsuraria precariò venit. Fæminam quàm marem pejus illa & maturiùs excipit, muleat, deserit; geniali victu quàm accuratò & emendatò ; gelida sub Arcto quàm ad Nilum ; Cælò aquiloniò , aut siticuloso sub Cane , quàm liquidis eblanditò Favonijs ; biliosò , pituitosò, melancholicò superante succò seròve , quàm sanguine , cuius vnus sinceri & integri statâ ac tempestivâ alluvione, æstuque locis exundantibus irrigua & emollita Veneris arua placitò rigidi vomeris ictu demum subarata fecundantur proventu restibili ; ejusdem paupertate aut vitiò occidit spes generis. Tum scilicet de cæterò bene nata sterilefcunt , inani haustu Veneris compagibus hæret mulier , huiusque sudorem exercita potat ; famelicus & vagus fluctuat incertis erroribus vterus , nec purâ libidine turget ; sapicule malè feriatu oscitat , & quod ægrè immulsi semen corrumpit de facili. vel bonæ frugi conditum mox eliminat , nec sinit vivere ; vel laboratum factum abortione perdit annona durior. Modò strigo-

fus aridâque siti hiulcus carbunculatur ; modò iugi fluore lacry-  
 mosus emucidusque permadescit ; modò perversò ostiò sulci  
 rectâ regione vomerem eijcit , idumque provolantis seminis  
 etiam invitus declinat ; modò obsegnatâ naturâ nil datur fru-  
 dum , eamque non emicat in partem vis sanguinis , vbi sciri ho-  
 occalluit . At fontica planè , nullaque gravior oblasæ vel emortuæ  
 fœcunditatis causa , præ sicca intemperie : seu totius illa sit ,  
 seu membra voluptatis , caloris frigorisve comes solum occupet ;  
 eadem vtrinque nexos manet injuria , quanquam hæc illa gran-  
 dior . Hinc Tauræ , viraginis sementis infrugifera pœnitienda  
 colono . Hinc fœcundum nihil nisi harmoniâ sponsæ Veneris  
 compare jugò . Illam proinde experiuntur iratam ante Naturâ  
 dejuncti , quàm lege vlûque conjuges , nisi annorum vindicta  
 nodum solverit ; vel dispar alter reconciliaverit torus ; aut vi-  
 tium , Naturæ studijs æquior Medicina redemerit .

**S**INE Aqua nec corpus vlli viventium , nec vlla cibi virtus  
 potest nasci , nec tueri , nec parari ; nullis licet pro ali-  
 mento , gratuita omnibus medicina , sanis , causarijs , ægrotan-  
 tibus ; potu , fotu , infessu , vel crebrò ictu ab alto infusa , recep-  
 tissimò quidem vsu abusûque , cuius idoneus & iustus arbitër  
 consideratus Medicus vnus esto , ipsa cui potior Marcia & Vir-  
 gine veniet optima quæ horaria , sudò cœlò , dubiòve , procel-  
 losò , vel tonitru iactûque fulminum obmurmurante æthere  
 pluit : animam nempe inde hauriunt vitalem plantæ , ac quic-  
 quid opum terra fundit , pulchrè fœnerato hujus beneficio redit .  
 Proxima , sed minor dotibus , puri vivique fluminis arenosò alveò  
 ad Orientem placidè decurrentis ; deterior è fonte manans , de-  
 fectus vel hausta puteò , ni gravem hypochondrijs , exitis indo-  
 mitam , mora , insolatus , agitatio castigaverit : ejusdem classis  
 cisternina , pluvialis gratiam conditione perdidit ; reses de la-  
 cunis stagnisque torpentibus , vitium quod cepit facit ; guttu-  
 rosis Equiculis totique Medullorum genti tumore se prodit ver-  
 naculò de nive & glacie pota ; strumosis Iberis accusat tyran-  
 nidem gelidi frigoris . Bonitatem frustra lance exploraveris ; nul-  
 lius sit admixtæ conscia peregrinitatis , salivam nec moveat , fe-  
 riatve nares . Hæc temperati frigoris , siue egelida , cæcò igne  
 æstuantibus interaneis pro libramento , stomachum recreat lan-

guentem, somni conciliatrix, fecundæ Veneris sospita, Thespiâ fidelior conceptum mulieribus representat, avari caloris moratur ruinam, tabidos, hæsticos, reddit habitiores, remediô febri præsentariô, sanguinis vndecunque fluentis, vacationis cholericæ impetum comprimit & sistit, profugum eadem revocat animô linquente calorem, rigorem solvit tetani: decocta capitis mulcet dolores, obstructa reserat; affusa tepida fractis, luxatis, vlceribus, contractis artubus & resolutis amica: dura emollit, densa aperit, laxat tensa, crassa digerit, pigram maturat suppurationem, & quod omnem hâc aui paginam implet medendo, vetere innocentique vsu pro mochlico sola satis est emetico.

**A**T totô suô degeneres Elementô quæ de fossilibus & metallis terris penè omnibus emicant Aquæ, Naturæ & Vitæ inimicissimæ: percoctæ illæ ignibus suppositis, quos pluribus locis terra opertos alit foverque gremio; nullæ ideo frigida, æstuosæ omnes, egelida, tepida, calida, fervida, & quod maleficij caput est, siccandi efficacitate inemendabili: neque vnus omnes noxæ, quia nec mixturæ, quam vnus sine lege casus nulli imitabilis arti variè temperat pro ingenio soli quô viam inveniunt & quærunt: aliam enim atque aliam venis in diem alternantibus sollicitant & parant ( ne ex destinato hominum causâ putes similiter mixtas quotidie crumpere ) sive in transcurso fossilia & metalla sua illis vitia affricent; seu obviô fœtæ halitu vel tetrô infectæ vapore, aut situ succi nequioris de terræ barathris exspirantis; sive lethiferis stirpibus venenatæ venenent. Insidiosâ namque plures conditione ori acceptissimæ, oculis blandiuntur, nullâ deterrent qualitate, nullô odore suspectæ, qualia magnorum artificum venena quæ deprehendi nisi morte non possunt. Tales Stygis Arcadicæ, Neptunij fontis, Alpium Cottiarum, Tilphossæ fatalis Tiresiæ: solô etiam halitu homicidæ Ionix: lavisse in Chropso fuit exitiale. Quæ puris intepuere ignibus medicamentosæ qualitaris nudæ, inventu rarissimæ; tales Pergami in Allianis; ac supplente veterum industriâ, suis cum æstuarijs, milliarijs, draconibus magnificô sumptu exstructæ Therma. Neque protinus innocuæ quæ dulces, Chia rea emotæ mentis; summa Achillæi fontis lymphæ

dulcis, ima falsa; Albaque trans Anienem aqua horrore primum frigidò subeuntēs afficit, mox ignei medicamenti modò fervefacit: adeo proclive, etiam eruditis sensibus, falli judiciò & fallere. Numerò vsùque superant quæ alienò gustu, acidò, austerò, saluginosò, amarò, se produnt & probant medicatæ virtutis, vt fere promiscuæ & ambiguæ omnes gentis. Auri, Argentii, Aeris, Ferri, Stanni, Plumbi, Stibij, Aluminis, Sulphuris, Bituminis, Nitri, Salis, Chalcanthi, Chalcitidis, Chrysocollæ, Sandarachæ, Hydrargyri, Auripigmenti, Arsenici calentes venas quum permeant, horum vires & virus insimul concipiunt, recentique medentum ausu potæ, teneris condunt clanculumque inurunt visceribus.

**S**VO proinde meritò damnata Veteribus illa Medicina quæ nullò discrimine Aquarum vitur perfugio. Hæc nempe vltima inofficiosa ac paupercula suæ artis naufragis tabula, quæ se jugibus querelis vt subducant laborantium, confestim aquatum ire jubent: quando non est amplius in metu tentare ac periclitari valetudinem ignotis nocentibusque remedijs. Ecce ruditatis temeritatisque instructi viaticò, densò examine ad nundinas Aquarias vndelibet convolant animas negotiaturi anniversarij erronei Mendici: domi etiam, bene multum vestigali inter Idiotarum greges operæ ac mixturæ secretioris aucupio, cauponantur factitias, jamque oppidò populari vesanæ novitatis morbo, *Incorruptibiles* illæ pro panchresto barbarè audiunt: fugit scilicet pocillatorem & bibentem, quantum intersit aquis immergi vel potari metallicis. Calidarum sponte nascentium prisca laudavere balnea, discretò vsu nocumenta revelarunt. Dulcium, nitrosarum, sulphurearum, bituminosarum naturales Thermas indulsere hydropicis, paralyticis, arthriticis, ischiadicis, neuricis, tremulis, frustratâ alimoniâ macrescentibus, palpitationi cordis, strumis, ejusdemque indolis scirrhis tumoribus discutiendis, sterilibus naturâ frigidis, densi durique habitus, præhumidis, mucò & crudiore excrementò suisque deque perfluentibus. Tales nostrates Borboniæ, præ quibus non est quod alias peregrè requiras, Lesbouque naviges aut Mitylenem. Earundem balneo, nedum potu, iidem interdixere præcalidis, biliosis, flagrantibus vitæ & naturæ laribus, arctiore vitalium tabulatò, suspiciosi,



phthificis, hæmoptoïcis, stranguriis, calculosis, caput lateræve dolentibus, epilepticis, vertiginosis, veteriosis, hysteriis, febrientibus. Nec minor ab austeris ferrugineis, aluminosis, inspidis stibiatibus, mercurialibus, acidis chalcantosis, sed occultior segniorque pernicios, secutâ exinde perirrhœâ aut diarrhœâ nulli beneficâ. An parciatur illæ membris mollioribus quæ ferrum exedunt rubigine: æs in æruginem, plumbum in cerussam solvunt; fata, stirpes solum lambendo enecant. Vel obstructis referandis, crassis tenuandis, eliquandis, deturbandis commodæ, quæ incilia nilosque tophaceâ, pumicosâ, siliceâ, rubiginosâ superinductâ lorica muniant & coangustant; nec eodem quò tubulos obliant & incrustant tectoriò, exiles venas, impeditosque meatus corporis, & cæca viscerum spiramenta infarcient oblinentque, nullò subinde diaphoreticò, polychrestò, mochlicò, mercuriò, sale, sulphure, crocò, pulvere, nullâ tincturâ relinenda. Ita Naturæ & Vitæ bonis brevi decoquitur, maturantur fata, damnaturque annis sterilibus votiva fecunditas. Ecquid enim proli factura reliqui lignea & muriatica mulier haustu iussâ agonisticò siccare solidò mense infæcundos calices aquarum Borboniarum, Spadensium, Pugenium, Forgensium, San-Mionensium, Vicensium, Reginarum, quas ne summis labris bruta delibaverint. De Pyrrha potius, Aphrodisio, Oeta, Tarrha, Selemno, Sybari bibisse credas, ac funeratâ fecunditate atrò die Veneri parentasse. Gratijs dabitur si hæc illam modò emasculaverit. Verbò expediam, quantum biberit, tantum vitæ prolique subductum.

*Ergo nocet Fecunditati Aquarum Metallicarum potus.*

## DOMINI DOCTORES DISPUTAVRI.

M. Petrus le Large Primarius	M. Egidius le Bel.	M. Stephanus le Gaigneur.
Regina Lusitanorum Medicus.	M. Abrahamus Theuart.	M. Petrus Bourdclot.
M. Antonius Ioannes Morand.	M. Nicolaus Lienard.	M. Carolus le Breton.
M. Michael Denjau Profef. Reg.		

Proponcbat Lutetiæ PETRVS YVELIN Parisinus  
A. R. S. H. M. DC. LXX.

---

PARISIIS,  
Typis ANTONII RAFFLE' viâ Ponticuli ad Insigne Lebetis.